

# SEGUNDA CARTA DEL APOSTOL SAN PABLO A LOS TESALONICENSES

---

**Pablo chimbesa**

**1** <sup>1</sup>Pablo rei se. Silas riqui serese a. Timoteo abe no. Ureico ã mbesa jêje a, Tesalónica jenda. Jê nguia jeñumunua mbeite nguia Jesús je ùquĩ. Jesucristo icuasa chõ jêingo nguia ùquĩ. Dios rei nanderu. Jesucristo rei nandererecua. <sup>2</sup>Sã ùquĩ turã ndiqui jêje. Sã ùquĩ ndiqui jemombia bei.

**Dios ra mbia icuã mbasi**

<sup>3</sup>Gracias, ure beite quia Dios je jeniã ã. Coche ureico nguia ñee Dios je jeniã. Jê nguia jêingo nguia Dios icua tuchite ùquĩ. Jê nguia jêingo nguia nyesecua tuchite jenyiese ùquĩ. <sup>4</sup>Nyebe ureico nguia ñee turãt e jeniã ã. Ae ñumunua nua nguia Dios je, ùquĩ ja urembiirandu turã nguia jendese ã. Jêingo mingüete quia mbia icuã je ùquĩ. Jêingo Dios icua tuchite ùquĩ. Mbã icuãte riqui raque jêje. Mbã icuã mose jêje, jê jêturãte riqui ee ùquĩ.

<sup>5</sup>Sã Dios turã tuchi riqui no jê. Sã mbã mbuchechea turã no. Ae ra ñimbirãcuãte quia mbã icuã icuã mose Jesús riĩ ee nae, ùquĩ je ra mbãe turã mondo. Mbãe ra emondo mbã chisãã turã ndibishorõ. Mbã chisãã icuã abe ribishorõ no. <sup>6</sup>Ae jembasi mbasi quia nae, Dios ra ùquĩ mbasi tuchi cote. <sup>7</sup>Jesucristo ra tu ibate si. I ra eu quia nyecua. Angel cuabê ndese ra eru. Jesús ra ángel quirãcuã tuchi queru. Tata rendi rã nda Jesús ru. Eru mose ra mbã icuã icuã eã nande je cote. <sup>8</sup>Jesús tu mose ra Dios icuasa reã mbasi mbasi cote. Echeẽ turã mumba mumbasa ra embasi Dios cheẽ turã Jesucristo riĩ. <sup>9</sup>Jesús ra ucheẽ mumba mumbasa mbasi tuchi. Jesús ra emombo isho. Echeẽ mumba mumbasa ra siquiã mbei Dios rese cote. Dios quirãcuã ndese abe ra eriquiã no. <sup>10</sup>Ùquĩ nda Jesús saã ucheẽ

mumba mumbasa je tu mose. Echiirabo quia ra ñee turã turã mbei eriĩ eru mose. Eicuaa ra ñee turã turã mbei eriĩ eru mose. Jẽ abe ra jẽingo erese. Ure Dios cheẽ nenei mose, jẽisi que ra. Nyebe ra jẽ abe jẽingo erese eru mose. <sup>11</sup>Nyebe ureico nguiã ñee ñee mbei Dios je jeniĩ ã. Ae Dios bite nae, ï nda ũquĩ jẽsaã saã mbei quia. Ũquĩ je que Dios “jenyu” i jẽje ra. Mbae turã jẽsaã saãse rete quia ũquĩ. Sã Dios uquirãcuã mee jẽje. Mbae turã naa naa nonde cote. Jesús icuaa chõ jengu nguiã huee. <sup>12</sup>Jẽ mbae turã naa naa mose, mbia ra ñee turã turã Jesucristo riĩ. Jẽ abe riĩ nda Jesucristo mbia mbucheẽ turã turã. Dios quia eturãte riqui nguiã nande je. Jesucristo abe eturãte nande je. Ae rei nandererecua.

### Dios ucuãyãsa

**2** <sup>1</sup>Jesucristo rei nandererecua. Ae ra tu nandemunua mbucha uchiese. Ũquĩ ño asenei senei nguiã jẽje. <sup>2</sup>—“Co Jesús ru quia co”, i que Pablo ra, ichõĩño nda mbia serĩ jẽje. Jeñanduchõ ño ũquĩ mose. —Co Jesús ru quia co, ae eã se quia embesa jẽje a. Mbia mo nda ñee ñooño jẽje. —Jesús ra tu cote. Dios que sembiirandu ra, ichõĩño nda jẽje. Ũquĩ jeñanduchõ ño. <sup>3</sup>iMbia ra ñee ñooño chĩ jembĩrĩ irĩ jẽ! Jesús rane nda tuã nguiã. Mbia rane nda huĩ huĩ Dios si. Dios ucuãyãsa rane nda tu Jesús si. —Emo mose aque tambutiã, i que Dios aque riĩ nda. <sup>4</sup>Aque ra Dios resenda ucuãyã tuchi. Dios abe ucuãyã tuchi rae. Dios chuchúaa ra eñi ngoi mbia mbĩrĩ irĩ. —Se rei Dios, ichõĩño nda huĩ mbia mbĩrĩ irĩ. <sup>5</sup>Seico mose jendese que asenei ja jẽje ra. ¿Jêtesareĩã ndei equia secheẽ si re? <sup>6</sup>Dios ucuãyãsa ra tu emo mose. Eriquisã ji ae riqui nguiã aque. Eriquisã iriã mose ra eru. Eriquisãsa jẽicua quia ũquĩ. <sup>7</sup>Mbia Dios cheẽ mumba tuchi quia ã cote. Dios ucuãyãsa ra tuchõ eã. Eriquisãsa iriã mose quia ra eru cote. <sup>8</sup>Nyecua tuchi ra u mbia je cote. Jesús ra tu eriicharã cote. Jesús nininya tuchi ra tu. Aque mose ra Dios ucuãyãsa iquia. <sup>9</sup>Satanás nda uquirãcuã mondo Dios ucuãyãsa je. Dios ucuãyãsa mbuquirãcuã sacua. Mbae icuã chumumbara tuchi ra equeru. Ñee ñooño nda u mbia je. Mbia mae sayã nda esaã saã u mbia mbĩrĩ irĩ sacua. <sup>10</sup>Dios ucuãyãsa icuã tuchi ra Jesús quiatoã je. Jesús quiatoã mbĩrĩ irĩ tuchi ra u. Jesús quiatoã nyesecua eã nguia Dios rese resẽ. Nyebe ra Dios ũquĩ ndiroã eicuã si. Dios ra uquiatoã mbutiã tuchi. <sup>11</sup>Dios rese eriqui nyesecua eãte ã. Nyebe Dios aba mbĩrĩ irĩsa mondo nguiã ee. Nyebe eriqui nguiã “ae beite”, i aba mbĩrĩ irĩsa je. <sup>12</sup>Nyebe ra Dios ñee tuchi Jesús icuaa reã je. Ae mbae icuã saã sete quia, ũquĩ je. —Jẽso tata cuásuu, i ra Dios ee.

### Dios chiirabo rei jẽ

<sup>13</sup>Seresenda, Jesubite jẽingo ũquĩ. Gracias, ure bei quia Dios je jeniĩ a. Dios que jẽirabo cose nyii ra. Jendirõ sacua jẽicuã si. Espíritu Turã

jemingo sacuã icúe. Jẽ ichõĩñosa reã jẽicua sacuã. Ûquĩ je chõ ngue Dios jẽirabo nguiã. <sup>14</sup>Jesús cheẽ ngue uresenei senei nguia jẽje huee ra. Aque mose que Dios “jenyu” i jẽje ra. Jembuquirãcuã sacuã Jesucristo quirãcuã je. <sup>15</sup>Seresenda, ijẽhui jẽhuichĩ nda esi jẽ! iUrecheẽ ndui jẽingo bei jẽ! iUrechimbesa abe rui jẽingo jẽ! <sup>16</sup>Dios rei nanderu. Ae quia rei eturã tuchi nande je. Ae quia rei nyesequa tuchi nanderese. Ae quia rei nandemombia mbiasa. Nandeya tuchi nandeico Jesús raarõ arõ ã. Tube ra nyebi uquiato rea. <sup>17</sup>Sa Jesucristo riqui jemombia mbia bei. Dios abe no. Sã ùquĩ ndiqui tuchi jendese. Jẽhui eã sacuã echeẽ si. Ì nda jeñee turã mbei quia querabe. Ì nda jẽingo bei mbae turã ndese querabe.

### Jeñee Dios je

**3** <sup>1</sup>Seresenda, jeñee mbei quia Dios je ure riĩ. Ì nda isho ishonda Dios cheẽ andu ja. Ì nda eandu chooño eã. Ì nda eisi turã jẽ na si. <sup>2</sup>Ì nda Dios mbia icuã ndiquisã ure si. Mbia miĩ miĩ ño Dios icua nguiã ã. Mbia ja eã. <sup>3</sup>Nandererequa ñee ñooño eã nguiã co. Uquirãcuã nda emee jẽje ucheẽ nguire. Mbae icuã nda esiquisã jẽsi. <sup>4</sup>Urecheẽ ndui si chõ jẽingo nguiã ùquĩ. Ae uresenei senei nguia jẽje, ùquĩ ndese ra Dios jemingo tuchi. Ûquĩ ño aicua nguiã ã. <sup>5</sup>iSã nandererequa siqui tuchi jendese jẽ! Jẽirandu sacuã Dios nyesequa rese nanderese. Jẽ abe jẽingo mingue sacuã Jesucristo rã si.

### iJõtomeite ra jẽingochĩ jẽ!

<sup>6</sup>Jesucristo cheẽ tuchi chõ ã nde, Seresenda. Jesús quiato mo tomei mose, jẽhui chõ esi. Jesús quiato siqui sereã mose mbae mo ndese, jẽhui chõ esi no. Jesús cheẽ tuchi chõ ã nde. <sup>7</sup>Ure rã si chõ jẽingo. Uretomei ngue uresaã saã eãte quia jẽje ra. <sup>8</sup>Jẽ mo ngue urembuquiaru chooño eãte quia resẽ. Mbae mo ño ngue uremondo mondo quia urechiurã ndibishorõ ndesẽ. Urequei quiei beite que equia resẽ. Itondaru mose abe. Jẽ mbae mondochõ eã sacuã ure je. <sup>9</sup>—Mbae mo embu se, ureã mbei que equia jẽje resẽ. Eturãte raque ùquĩ. Urequei quiei chõ ngue equia urembaerã ndesẽ. Jembaaquiatu sacuã. Ure rã si jẽingo sacuã quiei quiei. <sup>10</sup>Ureico mose jendese que jaembiirandu rei resẽ. Ae quiei quiei sereãte quia, ùquĩ nda quiaruã. <sup>11</sup>Ureirandu que jendese ra. Jẽataque nda quiei quiei eã tuchi quia ra. Siqui chooñose tuchi nda equia ra. Uchuru mondo chooño ñee emo je. <sup>12</sup>Sã ùquĩ ae riqui quiei quiei uchiurã ao sacuã. Jesucristo cheẽ tuchi chõ ã nde. Nandererequa tuchi chõ a e re. <sup>13</sup>Seresenda, imbae turã ndese chõ jẽingo bei jẽ! iJẽhuichĩ nda esi jẽ!

<sup>14</sup>A urecu urecheẽ mbesa mbesa emondo sacuã jẽje a. Jẽ mo urecheẽ mumba mumba mose, ùquĩ ndese jemaẽ tuchi. Jẽhui chõ ùquĩ si. Ì nda ireĩ ireĩ jiri urecheẽ mumbare. <sup>15</sup>iÛquĩ nda jẽucuãyã cuãyãchĩ jẽ! iJeñee turã ño equia ee jẽ! iJembaaquiatu quiatu turã ño jẽ! Jendesenda chõ ñene. Urecheẽ mumba mumbate raque.

**Hui bei**

<sup>16</sup>Cristo rei aba mombiasa. ¡Sã ae riqui jemombia bei jẽ! Jẽingo mose jenyuchúaa. Jengatásaa abe no. ¡Sã eriqui bei jendese jẽ! <sup>17</sup>Pablo rei se. Se ae chõ ã ambesa nguiã hui bei a. Sechimbesa ae chõ ã nde. Sechimbesa jẽicuate quia ùquĩ ndesẽ. Sembae letras. Se bei que ambesa quia hui bei ra. <sup>18</sup>Sã Jesucristo turã ndiqui bei jẽ ja je.